



光緒卅二年秋校畢付梓  
江津區古籍保護中心

地方古籍再版工程

江津鍾祖芬雲舫氏著

# 振振堂聯稿

附禱稿板存本堂不准翻刻

特約顧問	顧問	主編	策劃	校對	資料提供
胡林	龐國翔	張宏	冉小梅	何勇	龐然

振振堂聯稿下一

江津縣鍾祖芬耘紡氏著

門人鄭

壘輯注

男德廉

同校

春聯

風雅宜人

幾處園林何曾風月分疆界

半生勞碌為與江山作主人

春水冰融自然流出

山容立古直

山雲雨足得意歸來

水意流從容

振振堂聯稿

下一 春聯

一

門歷得來

杯酒酣時見真我

頑固似剛好巧似智

亂山深處有奇人

豪傑多俠忠孝多愚

神仙何必講道德

困苦乃成佳子弟

聖賢究不免迂酸

貧窮多得好兒孫

宅側尺柏徹積雪

作事不妨天下笑

宮中空桐馮東風

立言當使古人降

酒伴詩緣虛庭待月

毫無用氣真理學

棋談茗約香室留春

動多破敗大英雄

惟雅人有  
此高致

淡淡著筆  
皆為人所  
不能

俠氣真是  
先生一生  
敗着

能不傷心

惟此可以  
氣憂

英雄末路  
生涯若此  
能不傷心

請到此坐談談古風今月

勞生只為多情累

因何事忙碌碌種竹栽花

養氣須求省事方

愛兒不願功名早

健忘自覺浮生老

好學無如累贅多

多累都緣俠氣深

俠烈一層剛傲一層愚拙一層懶惰一層屈指世間誰似我

功名相阨銀錢相阨疾病相阨惠難相阨傷心命運不如人

鹽是鹹醋是酸知其味矣

謀生夢好鷄常破

妻頗賢子頗肖顧而樂之

廚房

索債人多犬不閒

### 振振堂聯稿

下一 春聯

一一

有煙火氣否

李白花間酌酒

全上

知菜根味乎

樵青竹裡煎茶

愛焉能勿勞忠焉能勿誨

滿腔子都是惻隱

達不受人賀窮不受人憐

一肚皮不合時宜

幾根窮骨頭撑起氣運

吏治牧羊誇猛虎

兩個大眼孔看倒乾坤

軍家捕鼠雀饞貓

詩酒老英雄白髮幾莖多後輩

乾坤無事業青氈一席對前人

礪志治事濟季世

要用就用没用

披帷窺棋隨兒嬉

未貧先貧不貧

飲恨滿懷千日酒

大大方方做事

消愁終歲一箱書

簡簡便便過年

索性栽花於我但求生意滿

世人并不堪白眼

苦心種樹旁人翻得借蔭多

老我豈所謂青天

為國儲才幾卷儒書訓子弟

飲酒讀書天下無人誰識我

與人息事一般陰隲付兒孫

穿衣喫飯眼前有子又生孫

埋沒英雄  
矣然卻是  
如此居心

### 振振堂聯稿

下一 春聯

三

渾然一氣  
全是俗語  
俗情得機  
得勢故能  
膾炙人口

生成是窮骨頭這里幫忙那里着急四十年消磨精力偏做了

愁城怨府恨海離山嗟嗟嗟為誰受苦擔憂五夜們心吾過矣

吾過矣

講甚麼真手足上不盡當吃不完虧一兩下翻轉面皮便思量

搏虎屠龍燂猪烹狗罷罷從此捲旗收傘再管閒事天厭之

天厭之

有福氣纔得讀書四十年馬足車塵悔把光陰拋撒去

沒功夫休言考試二三子螢窗雪案好將文字揣摩來

大英雄真  
理學

信手所書  
皆成名句  
有理學氣  
無理障氣  
所以為難

不慣清閑又為貲財權子母

中原還逐鹿

要培根本多栽嘉樹蔭兒孫

老子其猶龍

不讀詩書恐累兒孫添俗骨

能安貧賤偏於文字起貪心

居子始遷文廟

其年移居南門闕氏祠側額曰在城闕今以其地後接武城前當文廟余設館祠中也

聞歌喜近武城

鳳凰翔千仞

黃鬚無弱漢

鷓鴣借一枝

白髮老英雄

### 振振堂聯稿

下一 春聯

四

綠野春晴嬉蛺蝶

對對對學對對對

清溪新漲賣鱸魚

圈圈圈成圈圈圈

品秩鹹酸時其春夏

集文選為  
鍾肇西醬

酸甜滋味千名百種

調和鼎鼐劑以陰陽

園房用

陰陽陶甄萬品一區同上

氣暖香溫宜征諸火候

饑嗔飽喜試嚼夫菜根

熱烘烘鬧者誰手握一把青蚨閩動了東西南北

忙碌碌做些甚眼見幾莖白髮拋撒完春夏秋冬

氣象不同

萬重山色青為幃

門迎東去西來水

千里春波綠到門

家住南遷北寓人

天外浮雲看富貴

張翰憶吳下蓴鮓熟後

眼前修竹長兒孫

陸機聞洛陽杜鵑鳴時

過苦年苦年過過年苦苦過年年去年來今變古

讀書好讀好書書讀好好讀書書田書舍子而孫

笑談一部莊周寓言十七卮言十九

傳授幾篇孔子經禮三百曲禮三千

莊雅典重  
人所學不  
能者

### 振振堂聯稿

下一 春聯

五

落落大方

夏曰校殷曰序周曰庠斯文未墜

鄭之刀宋之斤魯之削我武維揚

銅瓦鐵罇磨折黃鬚漢

春波秋浪淘汰白頭人

自然感慨

國家承平業經二百餘年好將忠孝安排用答聖人之聖

圓球周徑綜計十三萬里不料乾坤鹵莽遂成今日之今

兩隻手按三川脉

合上二聯為劉靖臣書  
以其精地理醫理也

滿腔心注一囊春

堂皇正大  
中忽然感  
慨亦時局  
之所迫也

此何等作  
用何等胸  
襟可易言  
者耶  
忽作韻語  
此集真無  
格不備且  
也千百對  
聯有千百  
格局無一  
雷同才之  
汜濫真不  
可及試取  
全集通觀  
之然後知

好江山亦由草木裝成我植棟梁材趁彼春來加雨露  
賢子孫豈要銀錢作孽家儲仁義寶讓他天下鬧風雲  
陽多匪陰多鬼我亦塵埃同靡靡其呼我以馬牛乎唯唯  
睡後哦醒後歌爾胡冠蓋之峩峩行看爾作犧牲也呵呵  
捋虎探龍總要挺開胸去  
繫猿羈馬終須窮出頭來  
囑僕逐屋蓄綠竹  
額曰詩史是適又額中總種竹  
雲影明月烟掩院月音穎韻逸  
綸巾賓神寅新春

### 振振堂聯稿

下一 春聯

六

鷄靡也豕零也夔憐𧈧𧈧憐蛇蛇憐風風憐日

集南華經

蟲臂乎鼠肝乎竹生寧寧生程程生馬馬生人

願而益僂而達堅而縵緩而釘暖暖姝姝而私自說也

仍前

沉有履窻有髻丘有峩山有夔睢睢盱盱而誰與居耶

道不行乘桴浮於海

衆皆醉鋪醴啜其醯

振振堂聯稿

铮铮居士著

祠堂類

芬先人自閩來川累世積德本有烝業為賊毀敗壬午秋  
芬艱難萬狀邀會置產約三百金中以人事顛倒迄今猶  
未建祠每念 先人裡祀不修終夜墮涕又念 先曾祖  
妣及 祖妣兩世苦節芬母賢孝勤苦閤族共稱青年棄  
世猶餘紡績錢百餘釧自思若有寸進當為親族就手巴  
岩遺基立光複祠為 兩世節孝建一崇節祠祔以芬母  
曰報勤堂乃頭白如此是區區者而不余畀不知蒼蒼者  
仇我何極也然芬此志不果目終不瞑因記前此暇日曾  
擬有各聯擇存其一二以告  
同人俾知芬不孝如此也

擬光複祠聯

鶴峰津城來  
脉祠宇所望

振振堂聯稿

下一 祠堂

七

宗祠之作  
宜用莊語  
不可泛作  
頌揚故止  
可如是着  
筆

一片真誠  
句句是淚  
字字是血  
仁人孝子  
開口便自  
不同

蜀江閩海隔八千里焉天勝人人更勝天始得俾熾昌如此念

昔日巴山西上燹水東來露宿風餐予先世亦良苦耳

祖德宗功歷二百年矣子生孫孫又生子居然聚國族於斯喜

今朝燕寢凝祥鶴峯斂秀雲蒸霞蔚我後裔其必興乎

寒棉暑葛曉火霄燈以兩女三子而折夭年意嘻兒曹罪過

飽喜饑瞋幹啼濕哭歷萬苦千辛而有今日嗚呼母氏劬勞

右擬報勤堂聯母故時年三十六 芬父哭  
挽云青年短命心難死黃土長埋日未暝



一句拗折  
得力傳爾  
全體生動

高曾及子孫子孫及元曾會重耳以烝嘗漢室二千年來無此

福壽

劉氏百歲祠歷今  
又百歲重修囑作

尊祖故敬宗敬宗故收族新百齡之堂構周天三萬日矣猶見

靈光

重孫耳孫徵典不明改之  
不能有能代改者願師之

遠派尋源岷江到此三千里

仍前

大德得壽寢室於今再百年

宗分黃帝之支椒衍瓜綿唐虞以前肇湮祀

為劉自修  
賀詹姓修祠

我愧青田之裔松攀葛附衣冠於此拜祠堂

### 振振堂聯稿

下一 祠堂

八

合一姓為烝嘗尊祖故敬宗敬宗故收族

明德祠

綿千秋之祀事悠遠則博厚博厚是高明

巨姓分承廿一家聚族於斯欣看武廟連公寢

為鍾肇西以壻  
頌黃氏合族祠

長江湖源七千里流芳至此應有文瀾及壻鄉

祠近  
武廟

闕氏祠聯 祠宇在南安門內脉由武城來與文廟對門外曰泮源長江繞之秀才闕采章余姻家也故

余得立館於此代為多撰祠聯以報之

創業維艱願子孫毋啟爭端鼠牙雀角相推讓 祠因先年釀訟債事故云

光宗有道為祖父多培善脉麟趾螽斯化吉祥

兩地植祠堂江洲近涌龍門浪 祠有兩所一在龍門灘下鶴山其來脉也

一庭開學校城闕遙撐鶴嶺峯

入川二百年來只此根基縱有爭端也須念先人血食

分支十九房外足稱蕃衍但知和氣即留得後嗣心田

### 振振堂聯稿

下一 祠堂

九

几水一源通地脉 几水即江城水名 形勢城南勝

文峰三塔拱明堂 恩光闕北來

碧嶂千層綿鶴嶺 俎豆依文廟

清波一派接龍門 弦歌接武城

子孫玄曾考世系知終始 學堂

蒲編竹簡親師友習禮儀 學堂

口誦心維如六經須講究 學堂

光前裕後乃九族宜先知 學堂

以三經組織成聯創格也

大幹擘龍門桐樹鳳棲分五采  
遠枝承閩省荆陽隼集到三川

浩瀚橫流  
黃河落天  
走東海萬  
里瀉入胸  
懷間而卻  
有細細脉  
絡

神凝氣聚  
先生母家  
也故莊以  
出之

自汀洲迢迢走馬而來築室於茲有魚洞東潨鶴池西注馬驍  
南顧虎溪北騰浩浩湯湯繞以泮源是七千里閩海川江的派  
由鼎山隱隱分龍而去旺氣在此看菱塘夏漲柳壩春森蓮石  
秋清柅坪冬茂葱葱鬱鬱蔚成佳蔭為十九房宗枝祖幹深根

### 振振堂聯稿

下一 祠堂

十

右皆為闕  
氏祠聯

柯葉氣連枝從八閩栽培以來吐秀揚葩鶴嶺秋風橫國幹  
濟陽江合派到三川蜿蜒而下纏絲繞綫龍門春浪涌華堂

為纏絲壩柯氏國華公祠落成自用鶴山坪稱  
鶴嶺及龍門灘皆彼近地名濟陽其堂名也

振振堂聯稿

璋

江津縣鍾祖芬耘紡氏門鄭堽輯注男德廉同校

謙

弔挽類

時有某公殉難於巴塘余時羈待質所三年矣漫天冤憤正無所洩同居待質者有倩余作挽不得不力求佳句雖其人不足當此而受人所托理應鋪揚以二偶備擇乃聯成而不用頗以為快然自以為得意故存之

身有強魂毅魄以當艱鉅衝班超人虎穴挺胸往杲卿罵羯賊

以廉悍之

振振堂聯稿

下一 弔挽

十一

擲頭來飛肉雨於巴塘猶希藏事爭回彌我后金甌之憾

歿而驚神泣鬼以墮官紳淚狄人歸其元面如生宣子撫其屍

目猶視位星精於井野且看蜀天增曜是吾公鐵血之光

呼列祖在上之靈危疆授命臣身死臣氣生數百軍深入探龍

天眷赤心要得奇情光史冊

聽成都罷市之哭陽月霏霜遺愛多遺骨少二千年一傷落鳳

我含碧血還將冤淚灑英魂

王介卿先生祥符人也諱宮午以名進士官蜀賢能共噪而一錢不名芬以文受知最深睽違有省沒將一年芬始

筆狀英烈之事氣魄沉雄滿幅作血腥氣以其人不足當此故不用耶

以鳳雛比亦合

聞耗赴奠淒涼一棺猶殮金繩寺  
云無以歸葬也爲汎瀾不已構此

是真師弟  
此公文名  
蓋世官迹  
遍川省遺  
愛在民語  
無一字不  
實得此可  
并傳不朽  
矣  
九地魂從今絳帳已空無人知己噫嘻能不悲哉

一官常苦四時貧留事後思留去後思留死後思百尺碑齊墮  
萬民淚畢竟青山未買何處理公嗚呼此乃天也

千里來遲兩楹奠為先生哭為蒼生哭為我生哭三寸草難招  
公以四五年主講江陽身作孝廉心同仙佛溫柔敦厚愛留冬  
日之堂胡曳杖逍遙猶撞木鐸倚閭惆悵尚盼泥金忍死待歸

人易簣移時增永恫

挽王敦五夫子世兄  
芷軒時春闈未歸

### 振振堂聯稿

下一 弔挽

十二

語自肺腑  
中流出

善言情者  
無處非情  
即無情不  
摯也

我從二三子來游洙泗誼稱師弟情篤父兄狂簡中行暖人春  
風之帳乃鯉庭趨侍玉立槐階鶴駕踟躕珂沉梓里先生長作  
客招魂欲賦愧知音

撒手遽騎鯨痛今日杏壇春滿梅嶺風高倏七十載兮泡影曇

花君子人與天不弔

爲同堂一友  
挽前人

遺徽空想象記當時梓里身依薪傳口授膺四五年之飲食教  
誨先生休矣我何歸

一面無緣執紼自慚稱後輩

挽楊輝  
山父

此在空中

着筆乃爾  
不粘不脫  
無情而有  
情是之謂  
多情

於挽中寫  
遭遇自不  
禁感慨係

音節嘹亮  
三日而余  
韻繞梁

百齡未滿隔江人盡哭先生

輝山巴人與余居隔一江發藉於瀘余每過必留住宿乃翁則素昧生平但聞其年過九秩而同人必強余作挽倉卒製此似乎無情之情不粘不脫也未幾輝山歿又挽云

白手遠成家每當巴雨霏窗常作西方之望

赤心誠待我從此瀘江返棹無復東道之親

未幾輝山德配又歿其子光漢余正有所托挽之云

數百里作神交為我呼天方期蔭托慈雲淑氣東來巴山隱隱  
五十年遭鬼妬羨君有母詎料峰橫落日大家西望瀘水滔滔

### 振振堂聯稿

下一 弔挽

十三

鸞鶴去踟躕未免文通悲賦別以下三聯皆為江姓挽孀母作信手付之不記其為誰托也

螟蛉分手足那堪令伯表陳情

夫與子名俱揚四德無虧撒手竟從蓬島去

侄猶兒誼不薄一朝作別傷心其奈竹林何

鼓瑟在名門乃廿年存侄棄兒悲寡媳郵雛孫倏爾春暉迷離

青草

含飴分贖惠慘一旦捐恩割愛去雲房歸淨土傷哉秋雨零落

黃花

噫嘻泰山其頽乎八十年翠柏蒼松方共祝崗陵孔固胡飄風

一旦零雨崇朝指鷲嶺以遄征倏忽千秋成永訣

嗚呼死者長已矣二三輩攀羅附葛總毋忘冰玉深情乃人飲

屠蘇公歸閨苑望鶴峰而隕涕悽愴半子復何依為某挽岳父

一曲落梅風五月樓中吹鶴去為王雅南挽某師母

數莖衰草露三年宇下托鴻慈

此學賢師也其一時作者皆難於典余只以輕筆寫之似亦雅切然乎否否

惡當留善不當留凸眼兒任據中州於今劫運天無膽

### 振振堂聯稿

下一 弔挽

十四

賊可殺官不可殺窮骨子足撐天地如此英風鬼亦雄

右為鄉里 挽舅父柯務生夫子以曾退賊而阨於官也

死者不三思母太衰兒太幼弟兄太樸瓊宮貝闕遽赴修文知

草草蓋棺九原別有傷心處

故交能幾個聲相應氣相求疾病相扶桂戚葭親尤敦古誼胡

蒼蒼眯目萬事全虧作善人挽戚弟劉慎修其人能醫有善人之名

善類無多盡玉折蘭摧未免朝廷憂晦氣為王雅南挽前人其夥友也

古風不作讀餘編耳紀方知管鮑乃完人

節短韻長  
不著迹象  
自然縮合  
甥舅所遭

如出一轍  
無怪其言  
之怒髮冲  
冠也  
生平潦倒  
每一落筆  
即商音滿  
紙況為挽  
友乎而能  
不悲切動  
人乎

此聯字二  
貼切惜難  
盡庄

天胡喪我君山惜聰明雪亮談論風生詩書畫忽千秋回首音  
容成想像

公實為予鮑叔記藥圃茶時蕉軒酒處直諒聞成三益捫心前

後總恩情 為邱梅村  
挽袁春畬

此去返仙鄉算來九十韶光塵棲弱草

挽內曾祖母謝

我生承姆教結得三重姻眷樹倚喬松

在我無心擬將契好來生合 某與余本舊好也無故  
相仇而自死以此挽之

與君何怨竟把冤仇抵死分

### 振振堂聯稿

下一 弔挽

十五

慷慨之極  
淒涼之極  
憤懣之極  
委婉之極  
故一時省  
垣傳誦之  
極

拗不轉造物忌才心史案談兵將軍智仁信勇嚴弗闕也底事

綦波遠涉二百人私聞未學卻令烏鳥吞聲慘矣我詩哀相廢

已所太息音沉絳帳長琴獨鶴淒涼錦里秋風弟失師民失母

兩穿墨兩川悲名士英雄到死依然落魄

撐着起劫運回天手文壇棟帥夫子溫良恭儉讓以得之胡為

金殿榮歸四十年望重甲科猶是鰥魚寡處傷哉茅屋寒至此

耶最愴懷病守青氊旅館孤燈恍惚江南春雨哭無婦祭無兒

一官來一棺去黔山蜀水教生何處招魂 為武備弟子  
挽師之作



一片真性情却乃淡  
淡着筆已覺情深於  
文

其師爲黔省進士忘其姓名年約四旬猶然鰥也仕蜀以  
長史學命師武備學堂甫兩月丁憂回籍複來病歿於江  
南客館左右無人甚淒楚也

我病不尋常一月彌留幾致幽魂從地下  
挽張松生

兄歸何迅速十年交好竟無杯酒奠靈前

此余酒友也歿時余病亦篤家人不以告負知己也

十數載論交弱齒成名留與芝蘭身後惜

挽陳玉如孝廉

九五福不壽此心難死爲傷萱草眼前春

死後費思量一病竟窮醫士術

### 振振堂聯稿

下一 弔挽

十六

生前重然諾九泉應諒故人心  
挽程玉成

玉成多學而貧方許助資佐讀得怪疾而卒

劫運生人有點奇才天便惱

挽鴻軒族弟

庸工死汝不成混沌地先崩

孔方本屬仇讎爾命少金何由厄汝

挽繩初堂弟

此外無多兄弟我心匪石誰不呼天

君子盡如龍忝爲韓姑相攸倏爾西旋秋期渺渺  
挽江鏡軒姻家

我才羞吐鳳忽作江淹賦別淒然南浦江水悠悠

雖憤極語  
御是真理

純以神行  
不計工巧  
情深至此

我亦呼天  
自是君身  
有仙骨

憤懣之情  
淒涼之狀  
慘烈之形  
交游之誼  
一一寫來  
絲絲入扣  
真可作其  
人行狀

於此知其  
傲  
於此知其  
謙  
此公高人  
也工醫與  
先生最厚  
故言之親  
切有味也  
如此

蒼天爾可謂無憑儘顛倒衆生莫名報應斯人斯疾竟難邀神  
鬼之靈慘親過八旬兒剛五月鸞臺蕭索雁影襤褸倏短夢以  
瞢騰身到九原心未死

白首誰能期不負念交遊數載相信胆肝同氣同聲方籍作妻  
孥之托乃弟因公累兄被讒傷把袂須臾修文瞬息歎知音兮  
歎絕日空四海我同歸

挽吳鏡襄

此余平生契友也死之情與狀慘莫能名此聯出閩傳一時而害之者嘲之未幾而嘲之者死如之乃無挽之者矣噫害人者乃無人挽者耶

### 振振堂聯稿

下一 弔挽

十七

母方百歲延齡德旆忽然歸界外

我愧一身窮骨汗尊不敢奠靈前

富姻也不得不挽遣子奠之

名士不多人如此才華天眯日

挽袁愚初

詩壇曾幾個惟君詞賦我低眉

與公情好方酣春雨杏花忽報先生長作客

慨我窮愁多病秋風枯草從今起死又何人

濟困有菩薩心安得君實重來化作恒沙之佛

為同里挽前人

掉行無兒女態可惜倉公一世僅傳醫術之神

德壽比隆看白日飛昇鶴駕翩然返南極為岑高弟挽  
內曾祖父

朱陳互結惜紅絲中斷鰥生無福坦東床

巴水韻同清如何字學江流疊浪層波生曲曲為劉某挽其陪  
姑其家住字水

竹林花正好無那鳥啼春去千憐萬惜喚姑姑

文人之窮命也區區片石胡損邱山為余一問包羅別不開善

惡邪淫何苦冥中作天子為某挽舅父

渭陽之感深哉渺渺行雲忽遮春樹慘我卅年甥舅空握此瓊

琨玉佩卻從江上望仙峯仙峯鎮名其所居  
也又姓邱故云

### 振振堂聯稿

下一 弔挽

十八

撇不開兒女心腸桂子秋風錦里千程人遠去

挽闕姻母

做完了婆娑事業蓮花甘露金天一證佛如來

深望子成名忍死須臾盼到泥金方瞑目

為子少雲再挽

可憐孫是女勞生鞠育過來情事總酸心

母甚慈良余子婦實所撫成沒  
時余姻家采章正赴鄉試也

壽寓任優游成佛成仙死後問天天不管為張楚翹弟  
兄挽外祖母

渭陽深眷注一兄一弟母今去我我何依

含笑別親朋完孝葆貞要向菩提參佛去

清而晰簡  
而婉  
其秀在骨

一番感慨  
一番悲哽  
純是一番  
至情

宛轉自如  
如聞流鶯  
百轉

撫心慚宅相祈恩分愛如何萱草報秋來  
仍為一外孫挽

因愛生慈一例孫曾沾露覆

為楚翹侄榮年等挽

惟貞故壽九重天子賚雲章

本族共期功弱草三秋常沾薄露

公挽一族尊

老成太凋謝晨星一點又掩微雲

姆真可謂賢良始曆千辛終成二子惜九重恩露未灑松筠鳴

呼天地解兮各求辟劫方聽說閻羅非孝肅

我亦無多兒女因鄰孟母乃館虞甥胡一旦秋風遽摧萱草噫

其先悲壯  
其後淒涼  
兒女之情  
婚姻之諧  
一齊周到

### 振振堂聯稿

下一 弔挽

十九

嘻英雄老也剩有思親淚又為嬌息哭阿婆  
制中挽廖姻尊母

師道維昭儘有精光長不死

父喪未久恨無多淚哭先生  
挽王槐堂先生

比翼弗終朝孫在襁母在堂一死應難瞑目  
以下為陳西林喪妻自用

捨身向何處女未笄兒未冠九幽能不傷心

六月動商聲梧桐未免悲秋早

卅年歸大夢參朮誰知卻病難

天眼不垂青疑夢疑仙短別姻緣知未了

事出倉卒  
同堂東主  
也皆須挽  
聯故皆信  
手應付之  
作毫無經  
心者

一語抵人  
千百

我頭今已白哭妻哭子剩來枯淚恐無多

病為傷兒夢裡猶哦思子賦

死如依佛朝來莫上望夫山

以下為西林子同窗挽

後福方多小別遽歸無量佛

母儀不再大家齊哭奈何天

繼世有賢良此去婆羅應伴佛

同堂失令範他年客舍孰留賓

陽月尚悲秋叢菊初殘魂到梅花香不返

### 振振堂聯稿

下一 弔挽

二十

天臺長作客枯萱欲活手持仙藥恨無靈

醫友劉以菊花丹治  
岳母不效為代挽

賢郎皆益部之英非此母不生此子看伯方鵬舉仲亦鷹騫期

聖皇二十有三年兄弟彙征宛轉乾坤親未老

仇氏真德門之望聞其語今見其人乃我尚館甥母旋參佛盡

仙籌一萬八千日姑嫜並逝吁嗟婉孌女何依

為江某挽姻母陳孟氏  
其年鄉試二子應京兆

賢夫人真孟母再身俎豆肆禮機杼織文要兒曹整頓乾坤冬

口氣宛然  
句句能貼  
切語語有  
斤兩是挺  
起腰幹說  
話不效兒  
女子咕囁  
耳認者

夜一經竟把科名壓羣少

小郎君少鯁生數歲我契芝蘭彼歌穠李詎浩劫昏沉天地秋

風千里卻從叙浦挽阿婆 又為一江挽

母叙州人生五子兩登賢書餘皆俊秀贅於江者弱冠登榜

曾祖妣謝人門四月而孀繼祖父配妣邱又九月而孀繼芬父芬生而兩世珍於拱壁孀居數十年始聞此呱呱

者啼矣故尤加意撫抱不卜芬之頑鈍毫無光於先德憶兩世年八十餘并得請旌典曾祖妣歿時芬尚幼至

祖母則馬加齒矣風疾十餘年故後修齋存一聯以志痛

香花浄水明燈十日齋供非佞佛

### 振振堂聯稿

下一 弔挽

二十一

孝女慈親節婦一齊抹掇也由天

完節孝事姑夫大孝不死大節不生一旦不生千秋不死

保身心還天地立心何甘立身何苦先人何苦後嗣何甘

右為曾祖妣墓聯蓋嘗云當日苦貧難濟繼而複死不欲生者數矣而皆為親戚救免之故

天語載瑱珉如松斯壽如柏斯貞貞壽之操無慚此石 為謝姻母挽

婆心經煅煉大節不生大孝不死死生之際何以為情

元窮帝座高哉一點誠心尚冀真香能感格

家父修齋

亡母泉臺安否九幽聚首為言家事已平康

包含不盡

始以挺峭  
終以委宛  
妙不可言

生成好對  
前人何不  
憶及

兒女之情  
其深若此  
然非英雄

不若此也

此豈可令  
人讀者乎

瀟灑之懷

蝶化經年江上清風人宛在

父墓

牛眠依舊山頭華表鶴歸來

靈光歸然堂若者坊若者

父靈龕

音容宛在歌於斯哭於斯

余兩女皆絕慧能詩讀書一覽即記長適江少軒以婉卒次尤工字畫及詩亦天內人哭之幾喪明余亦不勝禽犢之愛為修齋別置龕以祀事類兒戲然一時私痛也故誌之

生既孝死當靈嗟嗟荏苒何歸神魂未免憂孤寂

我思兒汝戀父來來馨香有所姊妹依然共一龕

### 振振堂聯稿

下一 弔挽

二十二

好好歸來阿娘望汝腸將斷

以下修齋

事事顛倒老子於天怨太深

生命不如人醫藥遲延地下有靈休怨我

阿娘深念汝幽魂寂寞夜中無伴好歸來

生有慧心三子聰明都讓汝

死難瞑目雙親左右複何人

辛巳秋余一病幾殆陰念倉卒就木兒輩幼不能制聯虛此喪事矣因自挽如左

多謝親朋紅樹青山農已去

病至死而不滅是非看得死生一理中懷坦坦者不能也

音節蒼涼

無一字不響試複擲之必作金聲也

消除煩惱清風明月鬼當歌

生來與命為仇生為命誤命為醫誤

人皆願我多壽人奈我何我奈天何

片善不虧此去要憑天講理

周身是累算來還覺死無愁

生有自來奈一點聰明墮地即經千萬劫

死無他恨只九幽寂寞良朋僅得兩三人

九十年巾幗英雄婆婆娑老矣玉階森列五世孫曾如何黃竹綺

### 振振堂聯稿

下一 弔挽

二十三

牕便隨王母登仙去

二三輩外孫幼婦齋白紛然銅狄摩挲一般子女詎料綠波春

水還為江郎送別來

為陳西林挽內曾祖母江孺人 母以白手成家晚盲於日每西林子女至常以手摩挲之

知己世難逢倘能緩死須臾已盼賢郎登榜首

厄人天太刻盡把衆生顛倒但為善士不修齡

為楊竹熏挽陳鐵珊父 時縣試初榜珊名第二

秀水一堂開吉壤 錢某墓



靈魂千載傍家山

狷務櫻心一病竟窮仙道術

為廖某挽堂兄某時構訟初和也

鴿原釋忿九泉應解弟兄情

事佛求福古歟縷苦陳情聊當忤悔最可歎蓬萊風惡未遂烏

私苜蓿盤空莫酬鴉哺數十年飲冰茹檠虛承紫殿殊恩于時

言于時語于時廬痛靈寢之難留萱草餘哀一點精魂應向瑤

池飛去

為陳孫竹祖母化靈兼卜葬作 母苦節甘貧長子庶吉士次舉人弟兄同榜改教俱早故遺命不作佛事

育孫喪生傷已懸棺在殯何處棲神茲竊幸焚道丸泥堪封馬

### 振振堂聯稿

下一 弔挽

二十四

蠶鼎山片石克豎蛇碑二三輩繞膝含飴依舊黃泉極樂見若

堂見若坊見若屋念幽宮之得所梅花展笑千秋皓魄好隨明

月歸來

焚道鼎山津城地名

經懺無功空將一紙陳情傷心未請龍章表

仍前

鍾靈有地從此九幽隔面遺恨長留馬鬣封

白手便成家方期屏藉泰山穠李一歌長圓皓魄

為某岳父開奠卜葬

紅絲初結彩詎料雲橫巴嶺梅花萬樹慘葬英魂

參軍老尚青年天錫甯馨慰茲晚境正金甌欲奠朝廷思頗牧

高渾之氣

其事迹可  
悲其苦節  
可傳其遺  
訓可法一  
一寫來情  
真語摯

雄健之筆  
用以叙情  
卻乃明白  
如話得未  
曾有

善於寫情  
一生傲骨  
嶙峋於此  
可見

時方苦家  
禍星平出  
為調停故  
言之有物

想到滇南  
是心思空

之時方看鐵馬瑯戈叱陣呼兒勇超彭樂

為江某挽彭參將

詰嗣官留白下我懷竊比重以婚姻盼朱紱方來淮浦紀龔黃

之績豈料綠波春水臨風別父恨引江郎

姆範閩都人丹詔頒來恩隆吉甫生崧命

為馬良士挽渝城尹母几水江城名良士

我家羈几水白雲空望腸斷阿娘哭母聲

父專城我邑因家此

兒貴豈不為民望耶此日修文算是蒼生無福命

擬挽陳闈仙庶常

我賤何敢與君友也臨風隕涕只因浩劫哭才人

五百道忽決醍醐從此孤兒悲失乳

桑某孤兒素承巴邑一富姻母顧盼令以托挽

### 振振堂聯稿

下一 弔挽

二十五

十八幽應忘痛苦固知包老重懷清

無大力可挽天回我也孤生慘遭此三十六道惡魔憂到君家

慨其嘆矣

挽張星平孝廉父

有奇兒方挑運起公應禔福詎挨到四百五零甲子遽歸仙境

能不悲哉

以余忝舊姻親玉樹先摧峽鳥巫猿齊下泪

為彭顯堂挽前人

有兒作新進士金章未綰滇雲巴雨共怆神

星平現捐雲南知縣

如何一病不醫兒甫北歸父因西逝噫嘻天耶想萬里滇雲此

靈處  
機暢神流  
一字一淚  
至性至情  
中夾以至  
論何等熨  
貼  
機勢圓動  
一往情深

超脫跳脫  
灑脫遂將  
俗氣盡脫

日蒼生猶望歲為闕采章挽前  
人姨姑丈也

真是六親同運我方哭母公又游仙嗚呼命也念兩家堂上而  
今白發更無人

始因舊好爰訂新姻記從北土歸來綠酒傾心曾幾日為某挽  
前人

縱作神仙也當緩議何事西征甫賦紅塵撒手遽千秋

翁無疾忽終時星  
平方因公晋省

居人間不到百年一霎驂鸞泡影曇花空夢幻  
問斯去已成千古何時化鶴清風明月卻歸來

### 振振堂聯稿

下一 弔挽

二十六

余謬以聯語得微名每有喪事托者紛紛信筆書日記中  
以下為何人挽用與未用都不記也而味同鷄蹠故存之

忝附葭莩有三生幸無一面緣熱烘烘正家運隆時天違人願  
擬歌杞李登八秩筵增九老會急搶搶將俗情拋下我奈公何  
這般世界何斯違斯天豈謂有情耶胡奪我金蘭之急也  
偌大乾坤要去便去公亦非無意者其殆赴赤松之約乎  
生與世不合死與衆不同一念須菩提其人遂超然遠矣  
壽為古所稀德為今所罕五福考終命於公則見而知之  
以此才作此官縱湛露三遷猶喚蒼生稱屈死為衆友挽王  
介卿先生

惟我公知我命恨春風千里遠離絳帳哭先生

教子聆三遷喜為敬仲聯姻姜育媯昌齊提福

為江某挽叙州  
侄婿陳梅閣母

館甥曾幾日忽作江淹賦別滇雲巴雨共怆神

陳擬捐滇

英賢挺在一門芹共掇桂俱攀向丹陛以聯趨嗚呼盛矣

仍前

嘉蔭托從千里李方穰萱忽謝望金江而隕涕噫嘻悲哉

綠水青山靈氣鍾斯境

以下皆墓聯為何  
人作初不記也

清風明月魂魄戀是鄉

秋水一灣龍宛轉

未免蒼梧栖翠竹

集唐句記為李  
錫九銘妻墓

### 振振堂聯稿

下一 弔挽

二十七

春風千載鶴歸來

獨留青塚向黃昏

熨水流清有淑其德

曲水橫山韋其區域

華山聳翠載錫之光

芳名懿德壽此瑱珉

垂虹飛蜺振地極

懿德名門扶輿鍾淑氣

負鰲蟠螭爛天章

天珍地秘山水發靈祥

淑德清流綦水白

地德牖基靈祥光百道

佳城遠蔭珞山青

母儀貞此石福蔭千秋

千秋幾個文壇讀公稿慕公名梓里非遙冀終得後死與斯乃

無情之情  
乃有至情

香草我邑  
最著地名  
兩相愛慕  
之意一番  
顛倒之情  
皆自聞名  
來逼出此  
種大文章  
然非天性  
之厚愛才  
之深不及

此環球大局  
古今事變  
括此數言  
中是何等  
見解何等  
胸襟何等  
筆墨淋漓  
感喟又是  
何等性情  
耶

面北無緣嗚咽梅花一賦教人愁失魄為丁建修挽  
宋太守柵

兩任三吳太守合道從違道去桐鄉尚在忽報到先生歸矣正

江南有夢悽愴香草九天何處學招魂太守壁山人被劾  
歸赴來正春日

五洲局勞公慘淡經營供京職世餘年君恩重臣力輕天下事

竟如斯嘻老先生不肯居朝廷矣挽吳給諫  
取垣先生

一封書令我低徊傾倒結師緣萬千里孔壁高堯墻遠古之人

弗可作意予小子將何所瞻仰耶余與先生從無一面因與  
其子公甫交得讀奏稿遂生

敬仰而余有時務策萬餘千言為先生  
所賞嘆為絕世奇才感知己願列門墻焉

### 振振堂聯稿

下一 弔挽

二十八

公以寒素厯臺官值歐羅十二萬海疆鼓風濤惡作劇乾坤欲

闔賴得言路開張是錚錚者積彈章數尺矣嗚呼臣力竭矣敵

禍深矣問大局誰支撐帝命騎箕公永逝矣時值庚  
子之變

我為窮黎哭夫子計巴岷百又八州縣只此座魯靈光中國有

人足令羶夷慄伏胡蒼蒼者不愁遺一老乎噫嘻泰山頽乎梁

木壞乎捧瓣香而嘆息楚招弔屈我何歸乎

呼列祖聖宗之靈臣只此心臣只此身想大局已如斯將萬言

策上時盡可白頭歸老死

命之所遭  
一談虎而  
色變矣

痛碩果晨星之盡吾將安仰吾將安傲今一面無緣矣待千秋

論定後還從青史見先生

連擬三聯均不  
愜意終乃用此

翩翩富以其鄰斯非所謂賢乎奈何玉苑催仙詔

禧禧後難為繼我修得如母者願築金龕報佛慈

右挽程母鍾孺人 母  
為一鄉富室稱賢繼母

立意占千秋將著作盡災棗梨方期青史留名崗陵有頌

挽江  
姻翁

論交原兩世更宛轉施於松柏詎料綠波送別江水無情

有心作千古傳人注幾卷詩乃為船山學士知音不負公七十

### 振振堂聯稿

下一 弔挽

二十九

餘年燈火

代張星平挽前人 翁註刊  
船山詩話為余三媳寄翁

無事向九幽證佛談三界務倘遇閻羅包老辦事宜撞他一百

八記鍾聲

帝恩錫自九重天紫誥雙榮每當雲篆風清我懷姑浦

姻誼歡聯五十載紅塵一霎從此高山流水世乏知音

畢生不染紅塵有醇酒傾心三雅為雄姣姣只堪明月共

舉族皆承青盼正繁華爭艷數聲啼鳥姑姑共奈晚春何

右前為鍾青雲挽姑父穆翁後為合族共挽翁居巴邑之  
雲篆山雲篆青風乃巴邑八景之一清風又彼處塞名高

妙肖口吻

山流水亦地名已所居也

九十年真錄修成無量佛開無量壽為廖智如挽李某其人好道

五千言道經著後上清人返上清宮

畧叔誼論交情與賢郎道合黃金失我徽音云胡不弔挽叔烈輝母

為官事羈渝郡於阿母未從墨經邈茲江水何以為情

遺愛偏川中痛一鶴雙鳧聲悽絳帳為闕采章挽國大令

英靈返江上看扶鳩走馬淚灑青天

為本朝二百年罕有之官祖德俾爾昌旗常單爾厚羶夷折爾

### 振振堂聯稿

下一 弔挽

三十

才豈不身世因之而泰為各局翁挽前人

歷西川十數縣膏腴之缺僚友分其惠大憲得其歡交遊延其

譽所以天子稱之曰能

天子量賢能藉高望讐蠻夷藉威儀鎮邊徼藉才德任衝繁雖

然薄小一官聲名溢中國仍前

江洲好城郭有祠堂留手澤有舊好作心交有遺居存血祀固

知歸來千歲魂魄戀是鄉

撒手遽千秋紅葉方題仙藥不靈難起朽為龔某挽姻家其人以瘡腐不治死

聯如敘事一般不言情而情自在

此公大不

隔於人心三權我邑置有庠業喪後多求代挽者先生撰此應之居然贈受兩歡也呵呵們之有稜

此公一喪  
闕動一時  
然其才德  
真足冠世  
無怪其然  
也

千萬言語

均括此數  
語中筆可  
屈鐵力能  
扛鼎

談心曾幾日赤松徑赴女蘿失蔭總愴神

如公一縣幾人念即才作官念身暮辭官向晨色以瞻星嗚呼

老成今盡矣 挽程倬雲先生

嗟余十坑九陷惟舅父翊我惟先生知我對春風而想雪噫嘻

小子何述焉 先生口如懸河慷慨篤友誼與舅父柯務生最交好其子農初孝廉文高秀才與余同堂數載致相

得也每見必警惕再三去後則逢人說項直於我如父兄焉年八十餘得官隆昌教諭辭不就時文高方喪農初正

官甘肅隆德忽以終養辭官歸適先生逝一時挽者如林余謬獲微名倩挽者亦紛紛并存之

一世乏知音天有所不容地有所不載惟公說是兒才嗚呼今

### 振振堂聯稿

下一 弔挽

三十一

若此 前挽不愜  
后更此

三男同立雪見未嘗弗罵別未嘗弗思於我盡先生分噫嘻古  
之人

以賢即現大宰官身萬里歸來歡說衆兒皆有母 為江筆生  
挽前人

惟我公屬魯靈光殿一朝別去從今前輩更無人

大家乘興辭官博個團圓非千金一刻時耶恰呼兒萬里歸來

嶺月山雲倏焉慘色 為闕采章挽

小子因親及戚仰維耆宿乃三川四民望也詎因我半生涼薄



丰神獨秀

委婉盡致  
曲曲傳情

磐紆滂泗  
撐以硬語  
遂逼出情  
致

巫猿峽鳥共作悲聲采章續配乃先生甥女

天子許賢令省親數千里歸奉板輿屣棄金章可惜西方紅日

少為馮習之挽前人孫壻也

小人以女孫得蔭八十載望隆山斗峰摧玉樹從今東望白雲多

九五福享盡箕疇哭公無淚弔公無詞只愛子先亡是平日悽怆之事為劉自修挽

數千裏歸來蜀路作官最榮辭官最樂正家人相慶忽晨星墜

### 振振堂聯稿

下一 弔挽

三十二

落之時

賢聲及洮水西河有是父必有是子都說浮雲富貴始教兩處辭官正安坐板輿忽悲生筦簟非公不幸實寒族之不幸也

碩望如泰山北斗得其壽復得其名祇緣素日英明遂使一門忠孝胡堂空木铎又聲斷瑤琴在我無天豈盛德亦無天哉

右為彼合族公挽

公作仙耶公作佛耶一世聰明遂兼福壽真大智人哉嗟宅運方隆渺渺百年奄已盡以下求挽紛紛隨手應酬都不記也

我猶侄也我猶子也兩家親愛原共父兄今先哲亡矣念此生  
以後空空四海欲何依

五福既全終不死 一個神仙因老死

百般難哭是先生 三庠士庶哭先生

一官敝屣棄如遺元氣往來公死豈由天作主

幾個知音留不得中心棖觸我生無故鬼為仇

一邑如公幾人子克賢孫克孝有家山隴畝得官而不願官噫

嘻盛矣 為陳執之挽

### 振振堂聯稿

下一 弔挽

三十三

半生惟我獨苦伯既喪親既亡只魯殿靈光可望而且失望嗚

呼哀哉

天縱令五福延長只傑才不願居官阿哥有父民無母

人皆曰一門孝友視我族皆為猶子在生似佛死猶神

九萬裏方向雲中斯人不到白頭算是江鄉無福命 為毛錫豐挽楊式如

三千客共居門下為我獨垂青眼那知公子喪平原 進士

世豈有天耶母之賢子之肖必得達人乃群才領略春風卻教

冷卧寒冰霜悽絳帳 挽蘭友王保仁孝廉太安  
人葆仁掌教育才書院

渾括無遺

奇論

絕大議論  
絕大眼孔  
妙又典切  
不膚  
交情深立  
言摯委婉  
動人

我生無恃者行相勉過相規謹資良友今一樣淒涼秋雨何處  
羹分暖火貺及黃泉

喆嗣皆祥覽之賢育才得天下英弦歌聽武城以上

懿德傳孟鄒之後習禮為里中望俎豆當文廟之旁

右為育才書院某人挽書院在武城下 文廟前  
又 文廟旁乃邑節孝祠 安人節母也應人

七十年老事疆場正天子酬勳方看俊逸參軍風流鼓角呼聲

壯為王憲章挽  
南川王參將

四萬里揚威島海盼兒孫報國詎料淒涼蜀魄雪滿弓刀迓柩

### 振振堂聯稿

下一 弔挽

三十四

還

親久愈加親看兩階桂馥蘭森不振宗風蔚然中葉為李延宣  
挽顧母

母慈真可母慘一旦桐摧萱萎悽愴愛日冷對喬松

耆壽古來稀七十年鶚立三庠盡有精光長不死為蘭友  
挽龔翁

老成今已盡四萬里狼煙肆惡祇為世運哭先生

惜矣余所望甥聰過舅靈過兄為九天所降第幾星廿載曇花

空茲轉瞬為周熙賢  
挽甥某

傷哉爾猶有母前哭夫後哭子又二惠之忽弱一個半江秋水

悲壯之聲  
至今盈耳  
未稔其人  
足當此否

落落大方  
細事也而  
有巨論

至性致情  
卻有神機  
一片令人  
發渭陽之  
感

聯語叙情  
直如單行  
叙事一般  
總覺游刃  
有餘毫不  
喫力是非  
斗才可量  
者

一氣貫注  
悲涼之概  
勃勃不可  
遏

一起便有  
無限可惜  
之神其事  
奇其人奇  
若無此等  
大筆寫之  
恐亦奇而  
不奇此亦

能不愴心

倚玉愧兼葭七十年望重魯靈光方期鳳陛恩隆蔭留椿樹

斷金得蘭契什一倍共逐陶朱富詎料鶴山風冷慘到梅花

為蕭某拘周執軒父蕭與  
周郎舅也共業錢店多年

舉耆艾以畀先生病也無多竟窮醫士術 為同堂共挽

因臭蘭得居後輩天乎何意遽以我公歸

國家大局如斯五百劫陽厄方生皓首歸冥斯厚福 挽楊姻母

彼此婚姻熟矣八十載康甯永逝傷心扶櫬只孤孫

### 振振堂聯稿

下一 弔挽

三十五

母孫謀早裕女範堪師本三界珠眸紺髮之身福壽隆時皈佛

子 挽季子內祖母

我舊憾纔消新婚甫結餘一把搶地呼天之淚慌忙掬出哭阿

婆

弟竟辭塵耶親在堂嫂在室忍心瞑目更累人家淑女影葬蒼

梧股可割郎不可醫拼捨死以從夫知血濺修篁貞魂應共湘

妃語 為洪雅秀才王蜀厚挽堂弟某其弟侍父官長沙初  
娶染惡疾新婦割股以療竟不治乃乳藥相從死

兄非寡情者覩遺墨讀遺篇言別斷腸翻教故里良朋望穿巫

可名傳奇

切定事實  
藻不妄抒  
此等題有  
筆墨無性  
情者不能  
道一字

英雄最怕  
理學  
為門生亦  
流出幾多  
血

如此跌仆  
英氣猶在  
耶

峽誼未忘緣終未了盼來生之報我想柩還鄉梓毅魄先隨杜

宇歸其弟辭行詩有  
言別斷腸等句

父服官兒豈不願卻緣何姊先兄後夫去婦隨一對好鴛鴦俱

傷短折血漬漬痕污翠竹情慘慘影葬蒼梧知彼時衡裂湘摧

見天地乖張之氣仍前 以前作未愜故易之然未忍棄  
并存之其弟有史有姊均先亡殯署內

弟既死我複誰親所弗堪臨別贈言留詩作讖幾番遠鴻雁疊

報凶音眼錚錚望汝東還路迢迢耳君西逝冀來世嵩生嶽降

作乾坤振頓之臣亡者于沒前于夢中徧辭戚友  
聞其人才長情重實佳子弟也

### 振振堂聯稿

下一 弔挽

三十六

雖窮措不帶一分酸英氣動眉宇間胡因丹卷勞神染成兩鬢

秋霜無端類我挽吳世江門生

為乾坤流出幾多血內傷屬中原病借問東風鼓興吹縐滿池

春水何事干卿

幾番太息窮阮助我一帆風昔止邱隅每將玉樹招黃鳥

三載沉淪冤海欠公兩行淚今餘點血灑向青松化赤龍

右挽邱梅村余祖母外家  
也故時余羈成都待質所

母以名媛助名師館諸侯七十餘年方看繡幕蓮花徧散作錦

慷當以慨  
亦是借題  
發揮

雅切

面面均到

此因乙巳  
洪水驚疾  
而故者

江春色 此公為時名幕七  
十餘發配也

我也末員當末劫墮惡魔三千六道何事綺窗簫管亦化為雲

竹哀聲 時館臬幕方  
為樹廷調停

右為李樹廷挽孫  
雲甫妻名幕也

三千丈一墮塵坑嘆浩劫飛來方希大士婆心當先拯我 仍前  
為張

七十年雙棲賓館正古稀衍慶未識蒼天劣眼何事惱公 守備  
作

雄鎮在東川五常中特命白眉由此覘公懿訓嘆鳳毛濟濟麟

角森森舉室飛而食肉正今日宏開聖運動閤門整頓乾坤倏

### 振振堂聯稿

下一 弔挽

三十七

銅柱之驚摧薊雨雲燕齊減色 為武備學堂二一  
友挽重慶鎮總兵

喆孫同北面一堂內互標青眼自然當共含飴想紺髮飄飄元

精炯炯積閒養到期頤冀他年遠覲神京識汾陽清高器宇胡

斗山之遽殞巫猿峽鳥不勝情

佛事古相沿祖德猶存傷心未讀承情表 為劉某祖母  
與父灼靈

仙靈今復駕父容安在遺恨空留命子詩

悲哉平地為災毀我室沉我家大傷厥考心應永作黃泉之恨

已矣昊天罔極化厥靈綏厥位兼酬祖母德其各安紫府之身

右仍為劉某父與  
祖母灼靈修齋

白沙為邑  
巨鎮死者  
居此固然

公以厚德成家子既貴孫復賢九五福得壽兼得名共庶由天  
國來耶祇今舍衛功圓自然靈氣歸丹闕

典切而瀝  
訴真情更  
不覺傷心  
慘目渭陽

我也韶齡薄命伯先亡親繼喪數十年依舅如依母為報道而  
翁去矣從此渭陽音斷慘聽江聲走白沙

之感遂自  
此而深矣

右為陳蓀竹挽  
舅父王炳然

歷叙所遭  
即無師弟  
之情亦自

卅七載遽爾修文為援阿伯之手致捐乃侄之軀其天耶或亦  
其命耶想雙親既老諸弟未成無壽日殤更憫此無夫曰寡况

### 振振堂聯稿

下一 弔挽

三十八

慘切况曾  
膺患難者

復懷襄肆虐蕩析離居將死還生諒汝九幽難瞑目

挽門人  
王南浦

乎南浦之  
為人實有

二三子惟伊尚義累他受勒之駒隨我喪家之狗斯人也而有

可惜此我  
同堂所共

斯疾也茲四尺長封六孤何托視余猶父終弗獲視彼猶兒回

愴而不能  
道出者也

思陳蔡當災淒涼共患撫今追昔嗟予一念總戕心

大難去來  
值此愴心

九五福獲壽無多優德富缺康寧慨白虎臨時翻增歡聚以如

之事能不  
悽切耶

此半生淑慎苦受魔纏棄鍾離遂昇仙我焉歸矣

挽叔祖母  
羅孺人

十數年因親得庇共宗支同憂難冀紅羊劫後當效含飴乃待

吾三載歸來遽聞噩耗望羅江而隕淚母也天乎

振振堂聯稿

江津縣鍾祖芬耘紡氏著門人鄭

堦輯注男

德廉璋謙

同校

泛酬襍綴類

下為高牙鋪  
新立場市作

太儀幹運地游天迴

廊開九市通園帶闕

九市開場貨別隧分

旁流百廛溢郭填城

黃壤千里桑麻條暢

以上皆集文選為會廠之用

紅塵四合烟雲相連

振振堂聯稿

下一 襍綴

三十九

絕妙排場

父老此時閒好對景開懷消受雲兒歌一曲

桑麻今歲稔藉逢場作戲頌揚天子壽千秋

蜀道關蠶叢陸暢當年新樂府

蜃樓現鮫市鄉人此日大團圓

九市開場蕩蕩平平遵王之道遵王之路

以上戲棚

三寶獻舞熙熙攘攘皆為利往皆為利來

雲外此峯高蜀水黔山歸遠望

日中人語鬧青疇綠野話豐年

圖 一幅太平



剛健含婀娜

此是何等度量

此是何等胸襟

語語雙縮妥致如此

成語字字响

雄鎮接仙峰雲水光中分一段岷山秀氣仙峯伯渡俱近地場名

古郵通伯渡牂牁郡外化千年蜀道長虹

忙碌碌那裡來坐坐談談君應識西川豪士

路迢迢從此去宿宿信信我自為東道主人

浪飲三杯並世無非過客

相留一飯此間怕有王孫合上白馬棧自用

緩急藉君通每當日暮雲飛懷君好月贈渝城游某錢店添開扇鋪移居

嚶鳴求我友所願春明氣煦扇我仁風

### 振振堂聯稿

下一 襟綴

四十

為隱者留奇名白骨生人幾聲喚起長眠客贈姚尊五戒煙丸館

俾懦夫有立志丹丸餌我一霎旋成不倒翁

有道術不枉你從師師必有所比比必有所蓄

方丈

無俗慮自然僧人定定而後能靜靜而後能安

有治法必有治人本善化為更張窮則變變則通通則久新學堂

能同憂亦能同樂得英才而教育喜斯陶陶斯咏咏斯謠

鳥獸猶不失儻慘彼襁褓天之生是使獨

育嬰堂

犬馬皆能有養哀我癡寡幼而無父曰孤

以西銘對  
禮記極工

警世語不  
醒豁不能  
動人妙有  
現成俗語  
合之由其  
平日留心  
此道集有

俗語對千  
餘副之多  
皆字工穩  
此特拈出  
以湊成耳

吾何修而夏屋渠渠念苦迫窮困顛連疲癯殘疾惇獨孤寡曩  
與余父居者 丐化園

彼怎禁此冬日烈烈為我行糜粥飲食瘖聾跛躄短折侏儒各  
以其器飼之

雖健訟豈無幾串花銷倘從格外生枝氣死猴子憂死狗

戒訟碑

能吃虧自有一些果報何必官前討好贏了貓兒賣了牛

不耐耐宜吃虧青石板慣出的悶頭蛇錢是硬的氣是硬的縱

然屈到十分還要忍之又忍

仍前

### 振振堂聯稿

下一 襍綴

四十一

受冤圈纔打狀黑衙門都是些瞎眼狗人有七算天有八算倘  
若棋差一着僅防冤上加冤

你來告狀麼城中地坐卧也須錢一進此門便要扎包起腳

城門外

我勸息氣者署裡人兇橫更可惡萬般沒路不如掉步回頭

銀錢事與性命牽連爭小氣挖了護心油贏了官司不過一場

虛體面 仍前

衙門中有鬼神管照逞陰謀說些咬舌話暗加圈套須防兩道

立眉毛

回環絡誦  
皆軒爽可  
口亦典雅  
喬皇不落  
小家一派  
所以為難

此聯藏金  
木水火土  
五字難渾  
成不作勉  
強

此回文體  
難在尋邑  
地名

長者口氣  
所望不凡  
足見平時  
教育

典切

望江樓上望江流江樓千古江流千古

成都府外成都會都府重開都會重開

樓在成都東門外薛濤井上出語相傳為劉制軍所構以難成都學人迄今十餘年無人能得其耦友人以此相難得尋春院裏尋春怨春院一層春怨一層自嫌不切繼得朝天闕下朝天子天闕萬年天子萬年又雲曾有人對此特數字不同耳後乃得此聯並誌之

烟鎖池塘柳

油燒鐵板街

出語不知出自何人人以相難適渝城鐵板街以煤油失火余遂以油燒鐵板街為應後又得此檐掛煤油鐙霜堆

### 振振堂聯稿

下一 襍綴

四十二

炭洞銀二聯然皆不爽於口也姑志之

客上天然居居然天上客

花開彈子石石子彈開花

有以此相難者余舉此應之皆渝中地名也

才而秀秀亦須才正五洲多事時天子求賢原非技藝賀門人劉琢章

學可人人尤當學有百年不竟業鄙人屬望豈在科名游泮

慧月伏狂龍黃石祠邊雲氣古

張道士請職

宗風振鳴鶴青城山下水源清

有嘻笑無  
怒罵亦見  
涵養然而  
英雄到此  
亦未如之  
何也

前路平平  
得此一收  
便爾奇警

死死纏住死冤家道緊不緊道鬆不鬆層層八面兜天袋待質公所編用

活活丟在活地獄無刑之刑無罪之罪真真一過鮓人坑春聯

這才叫奈何天只叫黃天莫覩青天不牢不卡不監啞然是個

緊箍咒待質所作春聯

直走到相思地棲身有地出頭無地沒親沒戚沒友儘容人找

松活錢

天地小蘆廬展得開世上乾坤以闢萬千間廣廈基願為晉文

子發焉美哉輪美哉免為吳漢卿頌張某成室稱觴

### 振振堂聯稿

下一 襍綴

四十三

神仙大葑命消不盡山中歲月乃鍊八百載靈椿壽吾與魯僖

公頌曰俾爾熾俾爾昌

白手遽興家據形得此三川秀為陳醫造屋作

丹丸能續命稽首酬君一瓣香

公論一杯茶省多少風雲雷雨

天良幾道碼總昭然日月星辰巴邑彭家場禮堂官平處

公道猶存且聽鄉人月旦

冰衡共鑒免生平地風波

言簡意賅  
十四字括  
得離騷一

部  
超以象外  
得其寰中

超脫

小劫橫來困豪杰

贈李樹廷都戎時同在待質公所

大家跌倒看乾坤

攬華峯大地之雄看樓外青山山外白雲驚起半天黃鶴

正樓

通几水文人之滙指江中碧浪浪中紅日飛來萬道金蛇

山從益部西來雲繞烟霏撐開華蓋峯峯秀

前棚門

水自樊溪東滙花團錦簇瀉出文瀾字字香

井木分躔蜀水巴山形勝地

後棚門

璧渝通路高車駟馬往來人

### 振振堂聯稿

下一 襍綴

四十四

氣繞雙龍雲影波光相上下

中棚門

人分兩路名場利藪各西東

蜀部古雄州孕育名區奪一片東方秀氣

棚門內

龍飛今聖主謳歌載道為三巴北上通衢

以上五聯津城北岸五里日兩路口亦名雙龍場其年改  
修兩棚門撐以高樓囑作 井木一聯璧山渝州自此分

路場以此得名古有題江山形勝者樊溪  
几水邑地名華蓋則此地來脉之峰也

天象動樞星萱草宜男必有岐嶷征吉夢

我情殷宅相椒聊多子好熏香被育寧馨

高視闊步

錦被與重縫從今換得紫胞千里麒麟兄及弟  
甯馨期再育他日纏來赤電兩階蘭桂子而孫

世俗官家嫁女初胎得女或不育岳家重製被帳床榻贈之名曰換肚必係以聯始增榮而真異聞也央余代撰二

聯謹志之

能揮霍乃算大英雄遺我一鈞金要商確乾坤事業贈劉季良

文生情情  
生文乃得  
此極妙好  
文

是豪傑必遭奇困頓贈君數行墨謹不忘患難因緣

九幽法半點弗容情鬼有使神有差你會虧心謹防惡臉抓茅

孽鏡台前三對案城隍祠

### 振振堂聯稿

下一 襍綴

四十五

百姓錢一般變的血明是財暗是禍我能記帳且看到頭結果

令人驚魂  
褫魄之作  
作陰騭文  
觀可也

泉刀架下兩分屍

我與士民爲主實與士民爲奴任差喚亦任呼號輕煖肥甘藉

爾衣我食我我過不妨告我我誤不妨責我慎勿畏我謗我是

背我不能知我成都友人以此授意托撰爲他日自用

人因貴顯作官亦因貴顯作孽有陰陽必有報應喜怒哀樂都

能福人禍人人前慣會驕人人後慣會諂人得毋羞人笑人以

大人而做小人

句句是真  
理句句有  
斤兩宜細  
味之

此遊戲之作然非心思靈巧不及此故存之以備一格

前倡實有未愜而亦多人傳誦

特存之有覘公論

典切了當冠冕異常自非老手不辦

以馬周配馬援却是文一武

當當當當當當當取當當當

少金宜作鈔

車車車車車車車轉車車車

分貝即為貧

成都友人有典當衣物以開小押者名曰車轉作此調之前四當字均去聲第五第七當字平聲第九第十一字去聲第十當字讀上聲作擋字解首車字讀若居第四第九第十一車字亦均讀居餘皆讀扯平聲自然得解也

德感場長長感德場場趕

戲編場對 德感其年慶場演戲需聯

紅花堰艷艷花紅堰堰譁

四十里綠墅春晴路出錦官好來共話西窗流連別後巴山雨  
三百日黃堂政暇風清花縣雅願長為東道划削資中蜀道難

### 振振堂聯稿

下一 襍綴

四十六

路過銀山鎮見前太守題思以此易之

痛欽使慘亡數月中宋人犁庭罪人斯得所奇者獲忠骨慰忠魂洩忠憤師無血刃敵已攻心慷慨而奏膚功有張弛有縱擒非伏波不平交趾耳兵法云上將伐謀洵可勒茲銅柱  
掃瞻夷凶燄萬里外齊聲唱凱壯士言歸此行也揚國威滌國耻樹國藩文藉白眉武資赤膽從容而執醜虜是英雄是名士  
其逆旅之策匈奴耶天子曰元戎晉秩允宜服我黃衣

為鍾雲谷之友都司張迎賀提督馬為鳳欽使被戕故奉旨平巴塘瞻對等番歸賞穿黃馬褂

鏐鐵貢西州從古三川旺金氣

車笠尋東道茲來七碗啜銀鐙

右為袁海珊賀茶商盧某新添茶社於成都云其人先以鐵廠起家甚敦友誼也

我愧諸生幾莖白髮人將老

賀姻家闕采章四十游泮

君游上苑萬里青雲路不遲

明知富貴功名只做得一場春夢奈萱帷篤老切望泥金花萼

關情空操弧矢嘆青雲之有路已白髮之初生自可憐四十年

華碌碌忙忙辛辛苦苦

時母年八十兄肄武未成己亦失朽未娶也

### 振振堂聯稿

下一 襍綴

四十七

就作窮酸措大不能耍多日秋風雖朋酒倉皇未謀中饋賓筵

酬酢謹問當家既芹藻之分香宜葭葦之共讌所願與二三姻

好歡歡喜喜聚聚談談

可有文緣事業三生平地起

一代衣冠敢望箕裘繩祖武

自慚學究艱難一第破天荒

千秋俎豆還看庠序啓人文

地近學宮泮水有源皆曲曲

祠依城闕子矜於我太悠悠

以上數聯均為姻家闕采章游泮在祠治酒用

頌體中乃有此性情之作孰為歡娛之言難工耶

巧對



無獨必有  
偶信矣

成語難求  
之文選尤  
難

以頌為規  
妙合長者  
口氣

風雅極矣  
神韻尤不  
凡然而慷  
慨正不知  
多少

滿腹牢騷

此地好停車愛環廳水曲排闥山高聊闢數弓成夏屋為陳某自造作

何人堪下榻待竹裡茶温花間酒熟閑開三徑約春風

此地有崇山峻嶺茂林修竹仍前此出語久難其偶余偶於文選得之置此覺字字切合也

其右則疏圃曲池下畹高堂

累層構其遂躋爾乃覽秦跨周增九筵之迫脅仍前 集文選

度宏規而大起於是晞嶺眺阜若雙碣之相望為彼親友贈

弼丕丕基願子子孫孫世世承承繼繼

纘恢恢緒當綿綿翼翼時時業業兢兢

### 振振堂聯稿

下一 襍綴

四十八

斯世太塵囂我近還鄉一點林泉甘自樂

此間好山水君來作主兩家風月要平分賀楊德臣移居近里時余方自城移故里

德里幸相依陶令移居松竹約束三徑友

臣鄰欣在望晏公卜宅慈仁撒出萬家春仍前 為衆鄰賀

喬木盼成陰三徑春風求我友仍前 為彼城中眾親倩作

蒹葭仍倚玉一方秋水溯伊人所居近江且多田

我同晏子避囂塵一曲鷓鴣不如歸去好

君似樂天尋伴侶半林鶯鳥都為出遷忙賀吳綬堂同日移居

擺盡俗塵  
此公是以  
當此

莊雅之極

此間大有幽人道左遊過曼聲花鳥時呼我

以外不生名士門闌鬱靈秀氣江山并與君

賀劉靖臣成宅

徧地植春風桃花盡飲劉伶酒

沿山開夏屋楊柳相依白傅鄰

賀靖臣弟成燒房

天地與我無情已安排茗椀碁秤酒瓢詩架

園林得君有主好種植風蘭雅竹韻柏音松

賀鄒獻廷移居

兩隻窮眼睛勘出造化

贈友儒醫梁午榮鄉貢士

十個粗指拇診定死生

### 振振堂聯稿

下一 襍綴

四十九

仙道杳然乃公能得不死法

擬贈張少仙醫

神術精矣此鄉常有倖生人

六氣不為災造化在手都憑造命

仍前

一窮翻足病醫貧無術聊用醫人

暗室宵燈底事痴兒頑不省

為一至友作春聯彼有母高  
年有子濫洋烟最悶心也

公堂春酒但希慈母壽而康

伸竹為槍屈鐵為刀夜戰安排硬捉生人為死鬼

煙館

玉壺作棺銅盤作蓋僵屍磊落儘將黃土葬青年

精湛語令  
人毛髮漸  
灑

一片神機

哭醒沉迷  
婆心苦口

令人猛醒

奪命一枝槍莫從身世蕭條思量被暖香温日 仍前

傳燈三道火好把脂膏愛惜準備油乾草盡時

津而液之烘而焙之須九煉成丹不知粗糲艱難請看貧賤朝

炊粥 仍前

裙無褊矣褲無腰矣剩一燈似豆曷弗殷勤打點留與兒孫夜

讀書

雲路高騫萬里行從此始也

賀堂弟游泮

宗風丕振諸弟內於汝望之

### 振振堂聯稿

下一 襍綴

五十

請業當年以吾一日之長 仍前

搏風上界為君萬里之程

渤海得仙傳手合神丹撒向人間作生氣

贈張學陶醫

長沙述家法理搜靈素抓開囊底見春風

師所傳總三千方於此修行一丹九練長生術

贈顏克明醫

我無端遭七十壽得君調劑片刻天回不老春

七弦琴歌雅亦歌風莫更作塵世高聲似我似我 贈外孫江德  
瑛游泮初始

五色筆畫眉先畫日真不愧吾家宅相可兒可兒

造語奇特

純以神行  
喜極矣而  
感喟亦極

頌語而真  
摯乃爾

句句挺句  
句醒斬釘  
切鐵之言  
而委婉特  
甚

圓轉自如

議論英偉  
浩氣流行

三世矢艱貞得汝梯雲共看振鷺於飛胥樂兮酬彼日孤鳴之  
鵠 為李海航賀侄及徒游泮

一 朝登俊彥為子立雪所望騰驤上達昂然者躍吾家千里之  
駒

黔黎與國脉攸關乃官吏視民如草芥數月來皋謨益贊方奏  
膚功忽然奪我併幪峽鳥巫猿亦齊下淚嗟哉天何遠地何遙  
留不得一座德星只恨西川無福命 送岑大師移節兩廣

巴蜀厄神州之要而朝廷以公督邊陲諸臣中杜斷房謀詎忘

### 振振堂聯稿

下一 襍綴

五十一

大局用此南其旌節湔波泝漲所共銷魂設也仙有靈佛有驗

庶或悔九重初詔迅從東粵轉恩綸

人生各有天天勝人人勝天天合人和衆力挽天天亦轉 陳晉舟  
誦經堂

心事難瞞佛佛是心心是佛佛從心轉一聲念佛佛如來

英雄不烈無名埽欃槍為國除邊患攄幹畧為國葆殘黎飛碧

血於刀頭是當年地裂天崩一陣慌忙劫運 此為邑中有此兩公  
盡節賜祠作未用

功德在民則祀覩毛髮想公酣戰情拜冠裳想公畢命狀附精

靈於箕尾問何日崧生嶽降再來滌蕩河山 此聯成後似乎此收句出於抄  
寫故不敢用然實出自我心裁也

千鍾百鍊  
氣象崢嶸  
一字有千  
鈞之力此  
不朽之作  
也

丰神秀絕

四聯乃當  
事托撰不  
知何故不  
用一時公  
論所不洽  
也謂佳者  
不用用者  
不佳也未  
幾而坊被  
風圯彼聯  
不存而此  
聯可存也

男兒當馬革裹屍鎔金石心撐孝義胆碎剛烈腸碧淋淋血染  
刀頭是謂全歸只浩劫難消未免靈濤鬱孤憤

天子賚龍章立廟披四品服賚兩頰須嚴千秋貌光拂拂身騎  
箕尾斯為大勇惜余生也晚空將熱淚灑英魂

此地美田園瓜疇芋畦好栽佳果遺賢嗣

合下皆為某贈某置產移居其人刻薄尚未有子也

我居鬧城市青山綠水待逐桃花訪故人

十年樹木百年樹人看籠竹朝煙知是新巢來燕賀

萬金買鄰千金買宅待桃花春水要從隔岸聽鶯聲

### 振振堂聯稿

下一 襍綴

五十二

礪志半千人共此榮光想當劘面鉢心淒絕孤嫠之泣

東門外總坊為學師

明倫十數載值茲盛典敢不拜手稽首奉揚天子之麻

作

茹蘖飲冰卹緯者悲哉豈知聖主褒榮鶴詔鸞章來北闕

仍前為邑

揚貞表孝守土之責也且看崇坊表節蛟騰鳳起出東門

主作

總建一坊砥長江七千裏中流巍然砭石

仍前為衆紳作

榮褒兩姓表聖清二百年德化大哉皇言

此去到蓮塘問遺愛諸公清操到底誰千古

坊接蓮塘塘上有祠祀各官

其行光梓里看褒恩兩姓宸翰飄然下九天

三載托帡幪其氣充然其味盎然看此際有土有財有用有人

好憑寶塔千尋燦藜杖雙輝寫獻南山之頌

為衆徒賀  
劉永齡成室

萬錢當慶賀如竹苞矣如松茂矣盼他日得位得祿得名得壽

歲值江陽五月韻梅花一笛朋開北海之尊

萃龍山鶴嶺之靈弼此丕丕基厥肯構厥肯堂肇啓槐庭早安

排萬千間廣廈

仍前為眾友作

紹白水青山之業於我渠渠屋美哉輪美哉免蔭留葭末為擴

張九五福宏圖

### 振振堂聯稿

下一

襍綴

五十三

振振堂聯稿

铮铮居士著

癸卯甲辰乙巳三載羈成都一頂南冠無書籍可翻擷每  
苦夜長因索枯腸取藥名及四書成語編輯成對藉以  
消遣雖無甚意義然可以  
志一時之痛故存之

藥草類

五谷登新大麥黃連蒼耳子 五穀米 登新叶燈心

六神朝老桂花香附白頭翁 老叶腦

管仲車前透骨穿胸一枝箭 透骨消

蓮仙佛頂洗手淋脂七里香 佛頂珠 淋叶靈 洗手香

振振堂聯稿

下一 藥草

五十四

疎葉麗枝蜀地載生紅橘 疎叶蘇 麗叶荔 蜀叶熟

固指補骨當由苦煉丹砂 生叶參 下同

血結皮消苦恨人生沒藥 消叶硝 恨叶杏

辭姑貝母雅憐之子當歸 辭叶慈 憐叶連 之叶支

大力將軍一枝箭馬前貫中穿山甲 穿叶川

金毛師子五朵雲橋頭苦逐過江龍 苦橋頭 逐叶竹

十姊妹穿連針綫包苦教全歸知母 穿叶川 教叶菑 婆婆針綫包

紅姑娘素薰花蕊水香顏色臙脂 薰叶馨 顏叶椽 色叶虱

非心思之  
靈胸藏之  
富不能道  
其隻字也  
此集美不  
勝收出自  
一人之手  
試取楹聯  
業話之刻  
較之何渠  
不若漢

以花藥名  
組織成聯  
但取叶音  
不能加減  
一字乃須  
對仗工穩  
串合有情

聯絡之妙  
一至此乎

歸板不留行千里雲峰六月雪 歸叶龜 千里光

回香都念子獨搖寒水一枝篙 獨搖草 寒水石

赤旱連糊焦紫河車幹瀾水 焦叶椒 幹叶甘

玉皇膏澤下白雲淋濕龍鬚 淋濕叶苓石

天祝南星陳酒六升四延菜 祝叶竹 六叶綠

墻圍烏賊生軍百合三枝人 墻圍叶薔薇 枝叶卮

打馬鞭地龍浮水過江通海 過江龍 通大海

排風騰石燕凌霄冲蔚巴天 騰叶藤 蔚叶芋 巴戟天

### 振振堂聯稿

下一 藥草

五十五

天生地成

蜀帝皇使君子來服木賊草寇

密陀僧降真香歸身大佛靈仙

藁本粘連擇寫千張故紙 粘連子 擇寫叶澤瀉

雲臺拜將因陳十大功勞 拜將叶敗醬 雲叶芸 因叶茵

石鍾乳香肥兒紅娘愛子 肥兒茶 愛叶艾

真珠空明生地張老添丁 空明參 張老叶樟腦 添叶天

敗醬糊廬土壁防風破故紙 葫蘆巴 壁叶鱉

靈仙度衆覆盆洗手降真香 度衆叶杜仲



卻乃冠冕  
堂皇

玉苑簪花鄉父篤生丹桂子 鄉父篤生葉香附獨參

金科合解天魁貫中白頭翁 金科草 解叶蟹 慣叶貫

三把菰七厘八角

五穀米百合六升

鐵馬鞭三稜打腕

金彈子百步川烏

水仙共燕六神曲 共叶貢

迦藍只食百佛湯 食叶實 佛叶沸

### 振振堂聯稿

下一 藥草

五十六

老鸛草烏鷄子白

杜鵑花蕊雁來紅

雨餘風化六月雪 禹余糧 風化硝

雲片山遮八角峰 遮叶查

澤下山根大風雲起石 大風子

芒消冰片清苑水回香

玉女巴姑俯刺蓮房默夫子 俯叶虎 墨叶麥 玉簪花

沙僧經戒將離俗壳遇蓮仙 經戒叶荆芥 將離芍藥也 俗叶粟 玉蓮仙

的係佳句

好句

碧鉢齊磗雷圓扁豆

碧鉢叶 萆撥磗齊

叶 蛭螬

圓叶丸

紅花紫草染絳丹砂

染絳子

鵝卵燕窩鷄冠鶴頂

蛇床龜板鱉甲龍衣

佛手零零香豆蔻

佛手柑

仙桃月月開萱花

仙桃草

鬼箭羽穿山没石

佛指甲剪彩彈花

### 振振堂聯稿

下一 藥草

五十七

霜信冬花紅了葉

了叶 蓼

石流寒水碧成渠

流叶 榴

碧澄茄

真珠十斛無名異

十叶 石

芳香百味自然同

生地雨餘雲母溼

冰郎夜合美人焦

雨餘梁木溼

雲起石山遮

此置之名  
入集中亦  
的是佳句

巧合善對  
心思八面  
玲瓏

赤草連鬚充芋子

金針圓眼綉球花

香澄酥奶千鍾乳

路攬薔圍一丈紅

攬叶黨

靈脂血結仙人掌

志肉光生和尚頭

皂角刺川牛膝

桂枝煎熟地黃

煎叶尖

### 振振堂聯稿

下一 藥草

五十八

好本千金合利五倍

千金子

蛤蚧

明砂十斛余糧六升

貧女耐冬披霜點雪

貧女果

披叶砒

一點雪

甘瓜止渴向日迎涼

蒲公英英雄皇騎白鶴

騎叶芪

鶴叶合

劉季奴樸貴花紫金

紫金錠

大戟鈎藤茶兄鬥斧

叶豆腐

瓦礫掃粉香婦磨姑

黃金同綠豆蔻仁 同叶銅

白紙化紅花粉草

壽星靈芝烏頭冬不老

陳倉仙米玉粥夜來香

上官桂一品紅珊瑚鶴頂猪翎金纓戴赭石 翎叶鈴

野麻姑四季鬥鍼綫艷山巴壁卍字篆枝運 鬥叶豆 艷山紅 巴壁果

富貴天生金銀由厚樸 富貴花 金銀花 由叶油

文章大塊木筆夢仙花 文章草

### 振振堂聯稿

下一 藥草

五十九

父子牽牛各耕元熟地 父叶附 各耕叶葛根

野人勤菜同薺山豆根 勤叶芹 薺叶蒿

木匠花墨斗 墨斗草

黃金印綠升

朱總管猛力千斤箭羽没石 猛叶牡

青箱子胸窮百部遠志凌霄 胸窮叶芎藭

昆布綉毬花一枝合色

竹柴煮芋子百味回香 煮叶楮

五倍各生陽貴子 各生叶角參

大福全歸益智人 福叶腹

吳公別寶仙人掌 别叶

知母乳香孩兒搽

兔絲績斷元胡索

金針旋覆篆枝連

蜘蛛血結一把傘

蟾蜍夜明千裏光 夜明砂

### 振振堂聯稿

下一 藥草

六十

栩栩欲仙

寒水芙蓉花蕊濕 濕叶石

淡搽輕粉美人嬌 搽叶茶 嬌叶膠

貧婁欠食甘瓜蒂 貧婁果

佗僧苦齋赤石脂 赤叶喫

黎奴黑醜憐花白 奴叶蘆 醜叶醜 憐叶蓮

阿嬌獨活恨人雙 嬌叶膠 恨叶杏 雙中霜

枯芩疏葉無花果

沙塘大沼沒芙蓉 塘叶糖棠 沼沒叶棗木

拍案驚奇

萬年灰陳  
石灰名筋  
骨轉草木  
名  
一生坎坷  
觸物皆形  
慘狀故隨  
在皆作商  
音作者不  
自知也况  
出於待質  
之手乎

遠志萬年灰椒目巴天滑石續隨筋骨轉

浮萍千里及苦生蜀地杜鵑紅化斷腸花

久屈覆盆惶祈使君速斷 久屈叶酒曲 惶祈叶黃芪

陳年銜石雅憐婦子將離 陳年酒寒石雅連附子將離芍藥名

骨碎肌酥憐子單生背母 肌叶雞

皮消血竭使君千里逃人

越婢從容三陰煎五味

前人厚樸一笑散千金

### 振振堂聯稿

下一 藥草

六十一

大佛威靈諸夷來服 諸夷叶朱萸

辛姨踣躅鼠婦當歸

白紙棋盤爭子賭拉三角 爭叶榛

紅批藁本細心重草千張 重叶蟲

尖背鏹頭地索川牛膝 背葉貝 鏹頭草

細心籠爪金針刺蝟皮

玉女琵琶第彈法曲 第叶地

盧僧葦鉢都念皇經

此偶可作  
壽聯

天祝南星雲母拾仙桃七姊妹貢出菖浦九節拾叶石出叶术

地生北味上官燕耆艾六姑娘畢呈神曲三枝

仙靈降真檀木合香上跪跪葉桂

女貞防已蓮房亂發簪花

清苑仙桃夏枯冬不老

茅山玉粥早食夜來香早食叶棗實

青帶紫袍金銀花五倍

雲峯沙院壽星祝少年祝叶竺竹

### 振振堂聯稿

下一 藥草

六十二

苗公箭奇來禽巴壁虎苗叶茅 奇叶芪

杜鵑血結阿為蜀帝王

佛手剪春羅十樣景碎補金絲鐵綫

仙毛鋪地錦七裏香沿山虎席牛羶

扁佛金剛疼法下固指補骨疼叶藤

桂子閻王賜門東剪彩懸弧賜叶刺 剪綵花 玄胡 冬叶東